

Michael Cobabus

**Programma Quo Rector Universitatis Rostochiensis Michael Cobabus, S.S. Th. D. & Mathem. P. P. ad Exequias Quas Daniel Friderico Hegenwaldo, Infantulo mellitissimo, filiolo suo desideratissimo, paratas & expeditas cupiunt, Moestissimi parentes. Omnes Academiae Cives ... officiose invitat ...**

Rostochi[i]: Kilius, 1659

<http://purl.uni-rostock.de/rosdok/ppn770973949>

Druck Freier  Zugang



Cobabus, M.,  
in D. F. Hegenwald.

Rost. 1659.

4.







PROGRAMMA

127.

Quo

RECTOR

UNIVERSITATIS ROSTOCHIENSIS

MICHAEL COBABUS,

S.S. Th. D. & Mathem. P. P.

ad

Exequias

Quas

DANIELI FRIDERI-  
CO HEGENVVALDO,



mellitissimo, filiolo suo de-  
sideratissimo,

Paratas & expeditas  
cupiunt,

Moestissimi parentes.

Omnes Academiae Cives amanter, &  
officiosè invitat.

*Conventus fiet in templo Mariano ad horam  
mediam primam.*



ROSTOCHI,

Typis Hæredum NICOLAI KILII, Acad. Typ.  
Anno M. DC. LIX;



Uòd mors corporis sit vitæ tem-  
poralis privatio, vel animæ &  
corporis solutio, quâ tabernacu-  
lum terrenæ hujus domus dis-  
solvitur, & mortales omnes na-  
turæ debitum persolvere, atq; è  
cætu viventium exire coguntur, nemo est, qui  
ignorat: Unusquisq; cum Poëta ait:

*Omnes una manet nox,  
Et calcanda semel via lethi.*

*Mista senum & juvenum desentur funera: nullum  
Sæva caput Proserpina fugit.*

Nascuntur homines; vivunt, & juxta legem cos-  
micam moriuntur: aliis morientibus, alii na-  
scuntur, ut idem temporis momentum huic au-  
spicium adferat vitæ, illi necis, Sicuti stellæ quæ-  
dam, quâ hora supra Horizontem emergunt,  
eodem temporis articulo aliæ ex adverso se sub-  
eundem demittunt, quem ortum & occasum,  
quantitatem moruum cælestium scrutantes, atq;  
sidera cælestia studiosè contemplantes, nuncu-  
pant.

pant cosmicum sive mundanum. Quod verò  
mors corporis de vitæ tramite deflecentibus sit  
pœna, & æternæ mortis principium; Christum  
verò sequentibus sit materia agonis, & victoriæ,  
translatio ad statum beatum, ad ædificium, quod  
est ex Deo, & domicilium non manufactum &  
præparatum, sed æternum in Cælo, sola Christi  
Ecclesia novit. Huic soli cognita est vita gratiæ,  
quæ mortem hanc præcedit, & vita gloriæ, quæ  
mortem hanc sequitur. Duas vitas, præclare ait  
Augustinus, sibi divinitus prædicatas & com-  
mendatas novit Ecclesia, quarum una est in fide,  
altera in specie; una in tempore peregrinatio-  
nis, altera in æternitate mansionis; una in labo-  
re, altera in requie; una in via, altera in patria;  
una in opere actionis, altera in mercede con-  
templationis; una declinat à malo, & facit bo-  
num, altera nullum habet, à quo declinet, ma-  
lum, & magnum habet, quo perfruatur bonum;  
una cum hoste pugnat, altera sine hoste regnat;  
una foris est in adversis, altera nihil sentit adver-  
si; una carnales libidines frenat, altera spiritua-  
libus delectationibus vacat; una est vincendi cu-  
ra sollicita, altera victoriæ pace secura; una in  
tentationibus adjuvatur, altera sine ulla tentati-  
one in ipso adiutore lætatur; una subvenit indi-  
genti, altera ibi est, ubi nullum invenit indigen-  
tem;



sem; una aliena peccata, ut sibi sua ignoscantur,  
ignoscit, altera nec patitur, quod ignoscat, nec  
facit, quod sibi possit ignosci; una flagellatur ma-  
lis, ne extollatur in bonis, altera in tanta plenu-  
dine gratiæ caret omni malo, ut sine ulla tenta-  
tione superbiæ cohæreat summo bono; una bo-  
na & mala discernit, altera, quæ sola sola bona  
sunt, invenit. Ergo una bona est, sed adhuc mise-  
ra, altera melior & beata. Tota hic agitur ista usq;  
in hujus seculi finem, & illic invenit finem; dif-  
fertur illa complenda post hujus seculi finem,  
sed in futuro seculo non habet finem. Quæ spi-  
ritualis & cœlestis vitæ contēplatio, sicuti omnes  
Christianos & fideles, quando privantur illis,  
quos in deliciis habuerunt, erigit, ita vos mœstis-  
simos parentes invitare debebat, ut moderatè fe-  
ratis scitissimi filioli vestri obitum. Et si enim  
storgæ naturales vobis imperent, ut acerbè luge-  
atis proliæ vestræ mortem subitanæ & inspera-  
tam; fas tamen est, vos perpendere, non solum  
hominem hac lege à vobis genitum, ut esset mor-  
talis, sed filiolum vestrum in finitis malis tempe-  
stivè subtractum, & ex hujus mundi pelago sub-  
vectum in portum cœlestem, & in securam ac  
æternam tranquillitatem. Ante mortem ipse  
factus est nova creatura per lavacrum regene-  
ratio-

tationis, & Christo insertus, ultra limites vitæ  
naturalis, in altiore & longè præcellentio-  
rem vitæ gradum translatus & elevatus, vivo  
jam non amplius ego, aiebar, sed vivit in me  
Christus, per vitam cum Christo absconditam  
in DEO. Post mortem permistus Angelorum,  
animarumq; beatarum coronæ, fruitur conspe-  
ctu Dei, stat ante thronum agni cum innume-  
rabilibus turbis ex omnibus tribubus & genti-  
bus collectis, amictus stolâ albâ & palmas ma-  
nu gestans. Vivit nunc vester filiulus, ubi tan-  
ta est pulchritudo justitiæ, tanta jucunditas  
lucis æternæ, ut, etsi non liceret in ea ampli-  
ùs manere, quàm unius diei morâ, propter hoc  
solum innumerabiles hujus vitæ anni pleni de-  
litiis, & circumfluentiâ temporalium bonorum  
rectè meritoq; contemnerentur: non enim falso  
aut pravo affectu dictum est; quia melior est  
unus dies in aris tuis, quàm aliàs mille. Cœ-  
terum, quæ ipse Parens, non sine mœrore &  
lacrymis de filiulo suo recens nato nobis refert  
& scribit, hoc loco apponimus: Filiulus meus  
natumini, DANIEL FRIDERICUS dictus,  
natus est hoc instanti anno, die 10. Martii, horâ  
nonâ pomeridianâ, & vix quatuor hebdomas  
egressus (an papulis, an epilepsia ipsemet dubius  
hæreo)

hæreo) morbo aliquot ante dies correptus fuit,  
eoq; ingravescente præterito die saturni, qui erat  
dies nonus Aprilis, horâ duodecimâ meridianâ,  
inter lacrymas & suspiria nostra vitam cum mor-  
te commutavit, placideq; animum exhalavit.  
Prognatus itaque est hic infantulus Patre Domi-  
no GEORGIO HEGENWALDO, J. U. Docto-  
re, & Dicasterii Sternbergensis Advocato dignis-  
simo; Matre verò MARGARETHA Bolten/  
fœminâ lectissimâ. Avus paternus ei fuit Vir Spe-  
ctatissimus ac Eximius, Dominus SALOMON  
Hegenwald / Scabinatus Kniphosienfis Regio-  
monti p. m. Alsessor gravissimus. Avia DORO-  
THEA von Weinberin / Viri Amplissimi ac Con-  
sultissimi, Dn. GEORGII à Weinbern / Consulis  
Palæopolitani, apud Regiomontanos in Borus-  
sia gravissimi, ac GERTRUDIS ex nobili  
KLEINOVIANA familia oriundæ, neptis.  
Avum maternum habuit Virum Spectatissi-  
mum & Prudentissimum, DN. JOHANNEM  
Bolten / Senatorem hujus Urbis benemeritum;  
Aviam maternam MARGARETAM Martens/  
fœminam virtutum matronalium claritate spe-  
ctabilem. Proavus Paternus ipsi fuit CASPA-  
RUS Hegenwald / Mercator, dum adhuc inter  
mortales vitam agebat, Regiomonti primarius.  
Proavus maternus JOACHIMUS Bolte / Civis  
& Cere-

& Cerevisiarius b. m. non postremus: Proavia  
paterna SYBILLA Elers/ ex antiquissimorum  
Borussorum prosapia Elersen originem trahens,  
Abavum paternum habuit Virum Reverendum  
& Clarissimum, Dominum EBERHARDUM  
Hegenwald/ auctorem cantilenæ istius: Erbarm  
dich meiner O Herre Gott/ &c. quâ utuntur & eri-  
guntur afflicti & pœnitentes. Ex hisce Parenti-  
bus filiulus defunctus in hanc lucem editus est.  
Quem verò DEUS Parentibus dederat uten-  
dum, nunc ad se repetivit. Flosculus adhuc  
erat: fructus autem ferre & gaudium Parentibus  
parere potuisset, si diutiùs hic vixisset, & ad æta-  
tis maturitatem pervenisset. Nos hujus alio-  
rumq; exemplo moniti mori semper discamus,  
ut assiduâ mortis asvesatione mortis metum  
vincamus per Dominum nostrum JESUM  
CHRISTUM. Sic unusquisque intrepido  
animo expectabit mortem, & cum Theologo  
atque Poëta dicet:

*Cur metuam mortem? mors non est, mortis  
imago est;*

*Nam merito nitor, maxime Christe, tuo.  
Vermis adhuc spiro moriturus forte sub horam,  
Mors etenim certa est, funeris hora latet.*

*Ergo*

*Ergo gnate Dei, tibi me jam trado Redemptor:  
Vivam seu moriar, sanguine vivo tuo.*

A nobis tandem CIVES ACADEMICI, haut im-  
meritò desideratur, ut exequias hujus floſculi  
præſentiâ noſtrâ frequentes ornemus, illudq; fa-  
ciamus, quod ad mœſtiſſimorum parentum  
conſolationem conducere arbitrati fuerimus.  
Quod ut ſinguli faciant, & ad funus hoc dedu-  
cendum in templo Mariano hodie dimidiâ pri-  
mâ ſeſe ſiſtant, & conveniant, ſuamq; ſimul &  
utriuſq; apud nos Reipublicæ ſalutem ſupremo  
Domino commendent officioſè ſeduloq; rogo  
& horror. Poſtulat hoc Pietas Chriſtiana, hu-  
manitatis noſtræ officium, aliæq; cauſæ  
quam plurimæ.

P. P. ROSTOCHI ſub Sigillo Reſtoratûs  
ad d. XIX. Aprilis anno recuperatæ  
gratiæ clc lxc.













& Cerevisarius b. m. non postrem  
 paterna SYBILLA Elers/ ex ant  
 Borussorum profapia Elersen orig  
 Abavum paternum habuit Virum  
 & Clarissimum, Dominum EBB  
 Hegenwald/ auctorem cantilenæ i  
 dich meiner D H Erre Gott/ & c. quâ  
 gunrur afflicti & pœnitentes. Ex  
 bus filiulus defunctus in hanc luf  
 Quem verò DEUS Parentibus  
 dum, nunc ad se repetivit. Fl  
 erat: fructus autem ferre & gaudiu  
 parere potuisset, si diutiùs hîc vixi  
 tis maturitatem pervenisset. N  
 rumq; exemplo moniti mori sem  
 ut assiduâ mortis asvesfatione  
 vincamus per Dominum nostrum  
 CHRISTUM. Sic unusquis  
 animo expectabit mortem, & c  
 atque Poëta dicet:

*Cur metuam mortem? mors  
 imago est;  
 Nam merito nitor, maxime  
 Vermis adhuc spiro moriturus  
 Mors etenim certa est, funer*

avia  
 rum  
 ens,  
 lum  
 UM  
 arm  
 eri  
 enti  
 s est.  
 ten  
 hue  
 ibus  
 ata  
 ilio  
 nus,  
 tum  
 IM  
 bido  
 ogo

